

Tong yulduzi

Vatan yagonadir,
Vatan bittadir!

N:39 (67204)
2018-yil 24-sentabr

www.tongyulduzi.uz

Gazeta 1929-yil 1-avgustdan chiqib boshlagan

O'zbekiston Respublikasi bolalar va o'smirlar gazetasi

ISSN - 2010-6092

BERUNIY ZIKRIDAGI ALLOMA

Buyuk olim aksariyat asarlarida johillik, tanballik, loqaydlikni qattiq qoralab, kasb egallash, bilim o'rganish, ajdodlar merosini avaylash, ularning qutlug' an'alarini sharaf bilan davom ettirish hamisha insonlarga naf keltirishiga chorlagan.



2-bet


USTOZLARGA HAVAS QILGANMAN,

- deydi Toshkent viloyati, O'rta Chirchiq tumanidagi 16-umumta'lim maktabi muallimasi, O'zbekiston Respublikasi xalq o'qituvchisi Huri SOLIYEVA.



SARDORLAR QANDAY ARALANMOQDA?

...Jurnalistika sohasiga qiziqqanligim bois, bir necha yildan buyon matbuot sardori sifatida faoliyat yuritdim. Bu borada sevimli gazetam «Tong yulduzi» menga yaqin ko'makchi bo'ldi.



3-bet

HARBIY-SPORT FESTIVALI



Yosh harbiylar turnikka tortilish, estafeta, jabrlanuvchiga birinchi yordam ko'rsatish, TIR, basketbol to'pini to'rga tushirish, arqon tortish, safda shaxdam qadam bilan yurish kabi shartlar bo'yicha bellashdi. Shu bilan birga, «Harbiy unvonlar va maxfiy parollarni topish» testlari bo'yicha o'z zukkoliklarini namoyish etishdi.

7-bet

1-oktabr –
Ustoz va murabbiylar kuni!

USTOZLARGA HAVAS QILGANMAN,

– deydi Toshkent viloyati, O'rta Chirchiq tumanidagi
16-umumta'lim maktabi muallimasi, O'zbekiston
Respublikasi xalq o'qituvchisi Huri SOLIYEVA.



Maktabga ilk bor qadam qo'yganimda birinchi ustozim Dilbar opa Sulaymonova meni mehr bilan kutib olganlari esimda. Ular o'tgan har bir dars meni sehri olamga yetaklar edi. Maktabdan uyga qaytgach, o'zim ham singillarimga dars o'ta boshladim. Onamga esa «Katta bo'lsam, albatta, Dilbar opadek bo'laman», derdim. 3-sinfda o'qiyotganimda Malohat opa Yunusova bizga ustozlik qila boshladi. Ularning kiyinishlari, o'zlarini tutishlariga juda-juda havasim kelardi.

Ulg'aygach, bolalik orzularim ushalib, besh opa-singil o'qituvchilik kasbini egalladik. Oliygohni tamomlagach, o'zim o'qigan O'rta Chirchiq tumanidagi 16-umumta'lim maktabiga ishga keldim. Mana, o'ttiz yildan buyon ushbu ta'lim dargohida mehnat qilmoqdaman. Bu kasbni egallashimda ota-onamning xizmatlari beqiyos, albatta.

Shukurki, kasbim orqali e'zoz va ehtirom topdim. 2007-yil «Xalq ta'limi a'lochisi» ko'krak nishoni, 2010-yil

«Shuhrat» medali, 2016-yil «O'zbekiston Respublikasi xalq o'qituvchisi» unvonlari bilan taqdirlandim.

Har yili 1-oktabr – Ustoz va murabbiylar kuni men uchun qo'shaloq bayramga aylanadi. Shu kuni tug'ilgan kunimni ham nishonlar ekanman, taqdirimga azaldan ushbu sharaflilik kasb bitilganga o'xshaydi.

Bugun ushbu dil so'zlarimni qadrdon gazetamga yozar ekanman, bolalik yillarim bilan bog'liq yana ayrim xotiralar yodimga tushdi. U vaqtlari hozirgi «Tong yulduzi» gazetasiga muntazam obuna bo'lardim. Bu nashr orqali tengdoshlarim hayoti va ijodiy ishlari bilan yaqindan tanishib borardim. Hatto 6-sinfda o'qib yurgan kezlirim buxorolik bir qiz bilan tanishib, xatlar yozganim hali-hali esimda.

Hozirda o'qituvchilarga ko'rsatilayotgan ehtirom va yaratilayotgan sharoitlarni ko'rib, yanada g'ayrat bilan mehnat qilgim keladi. Qani endi bolalik yillar ortga qaytsa-yu, hammasini boshdan boshlab, yana uzoq yillar ustozlik qilsam...

Dunyoning buyuk olimi, qomusiy bilim sohibi, deb e'tirof etilgan bobokalonimiz Abu Rayhon Beruniy o'zidan oldin o'tgan bashariyat ulamolarning hayot yo'li, ijodiy merosiga alohida mehr va qiziqish bilan qaragan.

BERUNIY ZIKRIDAGI ALLOMA

Yigirtlik yillarida yunon tilini puxta o'rgangan olim «Hindiston» asarini yozishda «Iliada» va «Odessiya»larning asl matnidani foydalangan. Ana shu benazir bobomizning mehri tushgan allomalardan yana biri Abubakr Roziy hisoblanadi.

Abubakr Muhammad ibn Zakaryo ibn Yahyo Roziy qadimiy Ray shahrida 865-yilda tug'ilgan. Zi-yoli xonadondan bo'lgani uchun otasi uni xususiy muallimlarda o'qitadi, adab ilmini, musiqani o'rganib, mashshoq bo'ladi, zargarlik, sahhoqlik kasblarini puxta egallaydi, aniq fanlar, xususan, kimyo bo'yicha yigirtlik yillardayog kamolot kasb etadi. Shundan

so'ng, Roziy Ray va Bag'dod madrasalarida o'qib, zamonasining buyuk allomalari bilan dars oladi. Favqulodda iste'dod sohibi bo'lgan Abubakr Roziy 30 yoshida tabobatning barcha sohalarini, hatto dorishunoslikni ham puxta o'zlashtirib, mashhur tabib sifatida el nazariga tushadi. Shuning uchun ham avval Bag'dodda bir necha yil xalifa-likning tabobatxonasini boshqaradi. Keyin esa Ray shifoxonasiga mudirlik qiladi. Bu orada u mantiq va falsafa fanlarini ham tugal egallaydi. Mazkur sohalaridagi uning amaliy hamda nazariy mulohazalari 15 yil davomida yozilgan. «Al-jome'-ul-kabir» kitobida jamlangan. Abubakr Roziy 925-yili o'z Vatani ko'z kasalligidan vafot etgan.

Abubakr Roziy dunyoviy va diniy bilimlarni har jihatdan komil o'rganib, tinimsiz ijod qilgan umumbashariy mohiyatdagi donishmand hisoblanadi. Dunyo ilmi tarixiga bag'ishlangan barcha kitob, tazzkira hamda fehrislarda Abubakr Roziyning ilmiy asarlari 164

tadan 264 tagacha deb ko'rsatilgan. Beruniy esa «Qadimgi xalqlardan qolgan yodgorliklar» kitobida Roziy asarlarining to'la tavsifini keltirgan. Ulardan 42 tasi ximyaning nazariy va amaliy masalalariga bag'ishlangan. U aynan kimyoviy tadqiqotlari jarayonida

bir necha kashfiyotlar qilgan, spirt va gugurtu topgan. Olimning «Al Kutub al-isno ashora», «Kasal-liklar tarixi va klinik kuzatishlar», «Ruh-iyat haqida kitob», «Siflar haqida kitob» singari asarlari Sharq tabobatida keng qo'llanilgan.

Buyuk olim aksariyat asarlarida johillik, tanballik, loqaydlikni qattiq qoralab, kasb egallash, bilim o'rganish, ajdodlar merosini

avaylash, ularning qutlug' an'analari sharaflari bilan davom ettirish hamisha insonlarga naf keltirishiga chorlagan. Jumladan, ilm o'rganish haqida gapirgan benazir kashfiyotchi qunt bilan zahmat chekish, ko'p kitob o'qish lozimligini uqitib, shunday deydi: «Men o'qimagan, bilmagan kitob qo'limga tushib qolsa, u kitobni to'la o'zlashtirib olmaguncha, boshqa biron tashvi qo'l ummas edim».

Abubakr Roziy yozgan asarlarining amaliy ahamiyatiga alohida e'tibor berar ekan. Shuning uchun ham olimning falsafa, kimyo, tabobat, fizikaga doir risolalari Sharqda keng tarqalib, shuhrat qozongan. Jumladan, «Mansurga bag'ishlangan ta'lim», «Tabib kelmagan kishiga», «Murakkab dorilarga bag'ishlangan katta kitob», «Chechak va qizamiq haqida katta kitob», «Podshohlar tabobati» singari ko'plab asarlari tabobatning barcha sohalarida keng qo'llanilgan.

Hamidjon HOMIDIY,
O'zbekiston xalqaro Islom akademi-
yasi bosh mutaxassisi, professor

YOSHLAR YETAKCHILARI: ISHONCHNI OQLAYMIZ

Toshkent shahar, Olmazor tuman xalq ta'limi bo'limi tomonidan hududdagi umumta'lim maktablari, akademik litsey va kasb-hunar kollejlari faoliyat yuritayotgan yoshlar yetakchilari bilan davra suhbat tashkil etildi.



Suhbat jarayonida yoshlar yetakchilari bilan ish faoliyati jarayonida yuzaga kelayotgan muammolar, belgilangan rejalari, kelgusidagi vazifalar xususida to'xtalib, savol-javoblar o'tkazildi. Shuningdek, yig'ilishda ta'lim muassasasida ijtimoiy muhitning sog'lom bo'lishi uchun har bir pedagog xodim zimmasiga katta vazifalar yuklanishi lozimligi ta'kidlandi. Qolaversa, o'quvchining muammolari hal etilishida maktab psixologining o'rni katta degan xulosaga kelindi.

– Yoshlar ittifoqi yetakchisi bilimli, fikrlash doirasi keng, o'quvchilar o'rtasidagi ziddiyatlarga to'g'ri yechim topa oladigan, tashqi ko'rinishi, muomala madaniyati, kiyinishi bilan barchaga o'rnatilgan bo'lishi lozim, – dedi

Olmazor tumani XTB boshlig'i Zamira Azimboyeva. – Eng muhimi, yetakchi o'quvchilar bilan til topisha olin.

– Bugungi davra suhbatida ish faoliyatimizni muvaffaqiyatli olib borish uchun ko'pgina takliflar berilganidan xursandman, – deydi 111-umumta'lim maktabi yoshlar yetakchisi Adiba Til-laboyeva. – Men ta'lim muassasasiga ishga kelganimga 10 yildan ortiq vaqt bo'ldi. Lekin hali biror marta tuman xalq ta'limi bo'limi mudiri bizlar bilan uchrashmagan, qanday muammolar borligini tinglamagan. Biz ushbu yuksak ishonchni, albatta, oqlaymiz.

Maktabda har hafta faol o'quvchilar bilan birgalikda muammolar o'rganiladi. Shuningdek, darsga kelmaydigan o'quvchilarning uyiga borib, ularni

mashg'ulotlarga jalb qilishga alohida e'tibor qaratamiz. Yangi o'quv yilidan bitiruvchi sinf o'quvchilari uchun ona tili va adabiyot, ingliz tili, tarix, kimyo, matematika fanlaridan qo'shimcha mashg'ulotlarni yo'lga qo'ydik. O'zim rasm chizishga qiziqqanligim sababli ushbu san'at turiga qobiliyati bor o'quvchilar o'rtasida tanlovlar uyushtiraman. Bolalarning yaqin do'sti, sirdoshi bo'lishga intilaman. O'z ustimda ko'proq izlanaman. Har bir sinfda sardorlar to'g'ri tanlansa, o'ylaymanki, o'sha sinfning reytingi yuqori bo'ladi.

Yig'ilish so'ngida TTXB tomonidan har oyda ikki marotaba o'tkaziladigan «Yosh pedagoglar maktabi» o'quv-seminariga yoshlar yetakchilari ham taklif etib, ularning ish faoliyatiga doir tavsiya va yo'l-yo'riqlar berilishi belgilandi.

O'z muxbirimiz

«Kim ko'p kitob o'qiydi?»

Respublika an'anaviy tanloviga

MUTOLAANING GASHTI O'ZGACHA

Men badiiy kitoblar o'qishni yaxshi ko'raman. «Inson mutolaadan to'xtasa, fikrlashdan ham to'xtaydi», deganlaridek, kitob bizning ma'naviy dunyomizning yuksalishida muhim o'rin tutadi. Bolaligimda qoraqalpoq xalq ertaklarini o'qigan bo'lsam, keyinchalik o'zbek va jahon adabiyoti meni o'ziga rom etdi. Kitobning inson uchun haqiqiy do'st va beminnat maslahatchi ekanligini kitoblarni o'qigach, anglaganday bo'ldim. Mutolaa orqali dunyoqarashim o'zgardi, chet tillarni o'rgandim. O'qigan kitoblarning qahramonlar siymosida yaxshilik va yovuzlik nima ekanligini va hamisha ezgulik g'olib bo'lishini angladim.

Uyimizda kutubxonam bor. Ota-onam ham mutolaaga oshno insonlar bo'lgani bois, ko'p kitob sotib olishadi va menga ham kitob sovg'a qilishni yaxshi ko'rishadi. Bugungi axborot texnologiyalari rivojlangan davrda kitobning o'rnini bosuvchi elektron asarlar judayam ko'paydi. Ammo kitob o'z o'quvchisini butunlay yo'qotgan emas. Chunki o'zing yaxshi ko'rgan kitobni qo'lingga olib, bag'ringga bosib, o'qishning gashti o'zgacha.

Kelajakda o'qigan kitoblaring menga beminnat qanot bo'lishiga ishonaman.

Ayjamal KALIBAYEVA,

Ibroyim Yusupov nomidagi davlat ixtisoslashtirilgan maktab-internatining 11-sinf o'quvchisi

KUTUBXONAM BOR

Bo'sh vaqtimda rasm chizishga, hikoyalar va she'rlar o'qishga qiziqaman. Har yil «Tong yulduzi» gazetasiga obuna bo'lib, uch opa-singil mazza qilib gazetani mutolaa qilamiz.



Men bu yil nashrda e'lon qilingan «Kim ko'p kitob o'qiydi?» tanlovida qatnashmoqchiman. Uyimizda mo'jazgina kutubxona bo'lib, u yerda Xudoyberdi To'xtaboyev, O'tkir Hoshimov, Chingiz Aytmatovning asarlari bor. Ulardan «Sariq devni minib», «Oq kema», «Dunyoning ishlari», «Gulliverning sayohatlari» asarlarini yaxshi ko'rib o'qiganman. Bundan tashqari, Jyul Vernning «O'n besh yoshli kapitan», «Kichkina Yanko» Venger ertaklarini, Aleksandr Volkovning «Yetti yerosti qiroli» ertaklarini mutolaa qilganman. So'zim yakunida barcha tengdoshlarimga kitobga oshno bo'lishlarini tilayman.

Ruxshona SIROJIDINOVA,

Toshkent viloyati, Bekobod tumanidagi 44-umumta'lim maktabining 6-sinf o'quvchisi

SARDORLAR QANDAY SARALANMOQDA?

Har yili o'quv yili avvalida O'zbekiston yoshlar ittifoqining maktab va sinf sardorlari saylanadi.

Men ana shu jarayonning samimiy va xolisona bo'lishini juda istayman. Ya'ni, saralangan o'quvchilarning qiziqish va qobiliyatlaridan kelib

chiqib, ma'lum yo'nalish sardori etib saylash lozim, deb o'ylayman. Balki ularning o'zlaridan qaysi yo'nalish sardori bo'lishni xohlashlari va qanday ishlarni amalga oshirishni istashlari haqida so'rash kerakdir?!

Qolaversa, har bir sardorda, albatta, tashabbus va yangi g'oyalar bo'lishi lozim. Ba'zan shunchaki a'lochi o'quvchilarni turli yo'nalishlarga sardor etib saylab qo'yilishini kuzatishimiz mumkin. Bunda, albatta, kutilgan natijaga erishib bo'lmaydi. Masalan, men jurnalistika sohasiga qiziqqanligim bois, bir necha yildan buyon matbuot sardori sifatida faoliyat yuritdim. Bu borada sevimli gazetam «Tong yulduzi» menga yaqin ko'makchi bo'ldi. Zero, matbuot sardori bolalar nashrlarini o'qib borishi, unda materiallari bilan qatnashishi lozim. Shunda u chinakkam yetakchi bo'la oladi. Ayni vaqtda maktab ittifoq sardori etib saylangan ekanman, tengdoshlarim bilan yangi tashabbuslar, tadbirlar o'tkazib, ta'lim maskanining nomini butun respublikaga tanitishni istayman.

Sevarbek ELBOYEV,

Toshkent shahar, Yakkasariy tumanidagi 118-umumta'lim maktabining 8-«B» sinf o'quvchisi



USTOZLARIM TENGSIZ KAZINA

Men har kuni maktabdan qaytgach, ustozlarim haqida ko'p o'ylayman. Bu tinim bilmas kasb egalari qanday qilib shuncha o'quvchiga vaqt ajratib, bilim berishar ekan-a?! Axir, buning uchun qancha sabr, mehr va mehnat kerak...



Men ta'lim olayotgan darghoda nafaqat o'qituvchilar, balki maktab direktori ham o'quvchilarning hurmati-yu mehrini qozona olgan. Chun-ki Saodat opa Shodiyeva bizlar bilan yaqin do'st. Ba'zan yo'lakda xomush holda turgan bolani ko'rsalar, uni mamnun qilma-

guncha tinchimaydi.

Ularning eng katta orzulari kelajakda bizni yetuk inson bo'lib, biror kasbning etagidan tutganimizni ko'rish ekan.

Maktabimizning eng jonkuyar ustozlariga to'xtalsam, birinchi navbatda sinf rahbarim, ona tili va adabiyot fani o'qituvchimiz Gulzoda opa Soatovani tilga olmoqchiman. Bu samimiy muallimning darslarida vaqtning qanday o'tganini sezmay qolaman. Ustoz «Adabiyot gulshani» to'garagini tashkil etgan. Tasviriy san'at fani o'qituvchimiz Dilobar opa Ortiqova esa dars davomida bizning savollarimizga yuzlarida tabassum bilan «Labbay, bolam», deya javob beradi. Ular yasagan qo'l mehnati namunalari ko'rib, lol qolamiz. Bizga ham hunarini o'rgatganlarida zavq bilan ishga kirishamiz.

Ta'lim maskanimizda barcha o'quvchilarning bilimli, ziyoli bo'lishi uchun jon kuydiradigan yana bir inson bor. Bu bizning kutubxonachimiz Nasiba opa Eshmo'minovadir. Har gal kutubxonaga kirganimda, ularning qo'llarida kitob ko'raman. Qiziq, bu inson shu vaqtgacha qancha asar o'qigan ekan-a? Ular biz so'ragan biror adabiyotni esa qayerdan bo'lmasin topib beradi.

Guvohi bo'lganingizday, ustozlarim tengsiz xazina.

Azizbek ADBUMALIKOV,

Toshkent shahar, Chilonzor tumanidagi 202-umumta'lim maktabining 8-sinf o'quvchisi

GAZETA BIZNI DO'STLASHTIRDI

Har hafta mahallamizning jonkuyar pochta-chisi Rayimberdi amaki sevimli nashrim «Tong yulduzi»ni olib keladi. Gazetani qo'limga olishim bilan ko'nglimda ilhom barq urib, dimog'im-ga uning o'ziga xos isi ufuradi. Uning sahifalarini varaqlay boshlar ekanman, tengdoshlarimning ijodiy ishlarini o'qib, goh quvonaman, goh o'ziga to'laman. Ayniqsa, gazeta muxlis-larining ba'zi muammolarga teran nigoh bilan qarayatganlari, dolzarb mavzuda ijod qilayotganlari meni lol qoldiradi.

So'nggi vaqtlarda bir tengdoshimning qator maqolalari meni mu-lohazaga chorlamogda. Bu Toshkent viloyati, Angren shahridagi 27-umumta'lim maktabining 11-sinf o'quvchisi Otabek Bakirovdur. Do'stimning «Boshimga sochingiz savdosi tushdi», «Ijodiy ishmi yoki ko'chirmachilik?», «Momo sandig'idagi hikmatlar» kabi maqolalarini o'qib, unga juda havasim keldi. Tengdoshim nima demoqchi bo'la-yotganini aniq va hayotiy misollar bilan bayon etadi. Otabek juda g'ayratli va izlanuvchan ekanini uning yozganlarida bilib turibdi. Shu o'rinda sevimli gazetamga yurtimizning turli viloyatlaridagi yoshlarni do'stlashtirishga hissa qo'shayotgani uchun minnatdorlik bildiraman.

Dilshodbek RAHMATULLAYEV,

Qashqadaryo viloyati, Yakkabog' tumanidagi 13-umumta'lim maktabining 10-sinf o'quvchisi

Orzu – inson baxti ijodkorligi uchun xuddi
bilim kabi kerakli quroldir.

Opa-singil Kumushoy va Zulfiya Ro'zimboyevalar maktabning a'lochi o'quvchilari. Kumushoy Chilonzor tumanida joylashgan Milliy gvardiya tasarrufidagi Respublika ixtisoslashtirilgan musiqa akademik litseyining 8-sinf o'quvchisi.

HAYOTNING O'ZI IMKON, deydi opa-singillar

Zulfiya esa tumandagi 182-umumta'lim maktabining 7-sinfida o'qiydi. Ular o'zlarining tirishqoqligi, namunali xulqi, odobi hamda tashkilotchiligi bilan tengdoshlaridan ajralib turishadi. 2016–2017-yillarda «Yilning eng faol «Kamalak» a'zosi» nominatsiyasida g'olib bo'lgan Kumushoy 2018-yilda «Eng faol «Kamalak» sardori – 2018» mukofoti bilan taqdirlandi. Shuningdek, umumta'lim maktablari o'quvchilari o'rtasida o'tkazilgan «Giyohvandlikka qarshi kurash» loyihasida faol ishtirok etdi. «Kamalak» yulduzlari bolalar ijodiyot festivali tuman saralash bosqichi hamda «Yoshlar kuni» munosabati bilan o'tkazilgan «Kitobga oshno qalblar» tanlovida 1-o'rin sohibasi bo'ldi. Uning ilk she'ri «Tong yulduzi» gazetasida chop etilgan. 2016-yilda «Ko'nglim bahori» nomli ilk she'riy kitobi chop etilgan bo'lib, hozirda ikkinchi kitobi ustida ishlamoqda. Quyida uning she'rini o'qib ko'ring.

**Hayot bu inson uchun
Katta bir imkoniyat.
Yaxshilik qiling har kun,
Ushalar orzu-niyat.**

**Tengdoshim, shuning uchun
Boy bermay imkonimiz.
Ilm olaylik har kun,
Go'zal o'tsin onimiz.**

Kumushoyning singlisi Zulfiya-xon xuddi opasiga o'xshab o'zining a'lo o'qishi, bilimga chanqoqligi bilan boshqalardan ajralib turadi. 2015–2016-yillarda maktablararo o'tkazilgan «Kitobim – oftobim» ko'rik-tanlovining 1-o'rin sohibasi bo'ldi. «Yilning eng bilimdon o'quvchisi – 2016» ko'rik-tanlovida 2-o'rin, «Kamalak» yulduzlari bolalar ijodiyot festivali tuman bosqichida esa g'oliblikni qo'lga kiritdi. «Jaholatga qarshi ma'naviyat» mavzusida o'tkazilgan ijodiy ishlar tanlovida 1-o'rinni egallab, diplom bilan taqdirlandi.

Zulfiyaning hozirgi kunga qadar gazeta va jurnallarda bir qancha she'rlari chop etilgan bo'lib, uning ilk she'riy kitobi «Mehr bulog'i» deb nomlanadi.

Manzura UBAYDULLAYEVA

– Men xalqaro tasviriy va amaliy san'at anjumanlarida qatnashganman, – deydi Zulfiya nomidagi Davlat mukofoti san'at yo'nalishining 2017-yilgi sohibasi, Farg'ona davlat universiteti talabasi Mushtariybegim Qurbonova. – Qozog'iston va Rossiyada o'tkazilgan festivallarda bir qator Gran-prilar sovrindori bo'lganman. «Zomin jilg'alari» anjumanining o'tkazilishi haqidagi xabarni eshitib, juda xursand bo'ldim. Sababi, yurtimiz viloyatlaridan ijodkor tengdoshlarimiz ishtirok etishi turli ijodiy maktablarning o'z tajribasini namoyish etish imkonini beradi. Ayniqsa, o'z maktabini yarata olgan ustozlarimiz ishtirokidagi mahorat darslari barchamizda katta taassurot qoldirdi.

– Fotografiya qiziqishim baland, – deydi yana bir ishtirokchi Alpjamol Ergashev. – Bolaligidan chiroyli manzaralarni tasvirga olishni yaxshi ko'raman. San'atning bu turiga qiziquvchi tengdoshlarimiz ko'plab



MAKTAB MENGA QUCHOG'IN OCHDI

Bolaligim kechgan qadrdon bilim dargohiga keldim. Menga ustoz Ibrohim Safarov peshvoz chiqdi. Oppoq kabutarlar kabi tizilib turgan o'quvchilarning chaqnab turgan ko'zlariga tikilib zavqlandim.

Xayolimda ularga yaqinlashsam, go'yo ko'kka pirillab uchib ketadigandek tuyuldi. Maktab menga quchoq'in ochdi. Ko'z oldimda bundan 38 yil oldingi hayot jonlandi. O'quvchilik yillarimni esladim...

Elda ustoz otangdek ulug' yoki otangdan ulug' kabi maqollar yuradi. Maqol ikkala holatda o'rinni aytilgan. Ustozlarning goho otadek, goho undan-da ulug'ligi hayotda o'z ifodasini topgan. Otamiz bizni tug'ilgan kunimizdan boshlab tarbiyalagan bo'lsa, ustozlarimiz ularning davomchilardir. Shu o'rinda ba'zi bir ustozlar shogirdlarning tarbiyasini otaning tarbiyasi darajasidan-da yuqoriga ko'tara olganiga ham guvoh bo'lganmiz.

Ustozim Ibrohim Safarov bugun 74 yoshni qarshilagan bo'lsa-da, hali tetik. Ko'ngil bog'ida ulg'aygan shogirdlariga mehr ulashishdan charchamay yuribdi. Chorak asrdan ortiq vaqt davomida maktabda rahbarlik qilib kelayotgan ustozning shijoatiga ko'z tegmasan, deymen. Surondaryo viloyati, Sariosiyo tumanidagi 45-umumta'lim maktabi o'quvchilari bilan bo'lgan uchrashuv ko'nglimizni tog'dek ko'tardi. Shoir kelarkan, deya non va tuz bilan bizga peshvoz chiqqan o'quvchilarning hayajoni ichiga sig'masdi. Bir g'azalimda yozganimdek:

**Ochilgan qip-qizil gullar meni
hayron-u lol qildi,
Ilm dargohida ustoz hisobsiz
gulnihol qildi...**

Ustozimiz Ibrohim Safarovning maktab hovlisida ochilgan qip-qizil gullari qancha kishilarni lol qilgani mubolag'a emas.

**Bu gulzordan muhabbat darsini
olgan yigit-qizlar,
Vatan tuproqlarin gullarga burkashni
xayol qildi.**

Gulzor o'quvchilarga yurt tuprog'ini



gul-u gulzorga aylantirish darsini beradi. Ha, chindan ham bu dargohdan yurt koriga yaraydigan qancha ulug' insonlar yetishib chiqqan. O'zbekiston Yozuvchilar uyushmasi raisi, xalq shoiri Sirojiddin Sayyidov adabiyotdan dars bergan ustozimiz Ibrohim aka davrlarda faxr-if-

tixor bilan so'zlashni kanda qilmaydi. Umr oqar daryo yanglig' tez o'tib ketar ekan. Bizning bolalikdan bugungi kungacha bosib o'tgan hayot yo'limizning poyoni ko'rinmaydi. Mamlakatimiz rahbarining ta'lim sohasiga qaratayotgan yuksak e'tibori zaminida yurtning kelajagi bo'lgan yoshlarning qo'liga qog'oz va qalam tutqagan ustozlarning yoshlarimizni nurafshon yo'llarga to'g'ri boshlashi ko'zda tutilgan. Tadbirida ona tili va adabiyot fani o'qituvchisi Furqat Saidov, rus tili o'qituvchisi Gulbahor Qurbonova, kutubxonachi Gulandom Karimova, maktab Yoshlar ittifoqi yetakchisi Dilnoza Kassirova hamda 43-umumta'lim maktabi direktori Navro'z Nodirovlar o'z tashkilotchiligini namoyon etishdi. Nima bo'lganda ham, kishi o'zi tahsil olgan bilim dargohiga oradan ancha yillar o'tgandan so'ng qayta qadam bossa, bolalikning rangin xotiralari uning yuragini jumbushga keltirarkan. Menga tahsil bergan ustozlarning olam-olam taassurotlari bilan Toshkentga qaytdim...

AXTAMQULI

ZOMIN JILG'ALARI

O'zbekiston yoshlar ittifoqi Markaziy Kengashi tashabbusi bilan Respublika yosh ijodkorlar Kengashi tomonidan Jizzax viloyati, Zomin tumanida «Zomin jilg'alari» tasviriy san'at va fotografiya anjumani tashkil qilindi. Anjumanga 14 yoshdan 30 yoshgacha bo'lgan nomzodlar shu yo'nalishlarda saralab olindi.



topiladi. Ushbu anjuman orqali esa chekka hududlardagi yosh fotoijodkorlar Zominda jam bo'ldik. Zominning tabiati juda ham chiroyli ekan. Bu yerda har bir bosgan qadamingiz suratga olishga arziydi.

– Tanlov haqidagi e'lonni onamdan eshitdim. Shundan so'ng, ijodiy ishlarimni yubordim. Tashkilotchilar tomonidan anjumanda qatnashish huquqining berilishi meni yanada ko'proq mehnat qilishga, aniqrog'i, ijod qilishga undadi. Zomindagi sharshara meni juda quvnatdi. Chizgan rasmimda ham uni aks ettirganman, – deydi Qoraqalpog'iston Respublikasi Nukus shahridagi ixtisoslashtirilgan san'at maktabining 9-sinf o'quvchisi Ajiniyoz Tangirbergenev.

Anjumanning yopilish marosimida yosh rassom va fotografiaga sertifikatlar topshirildi. Shuningdek, anjuman davomida o'z faolliklarini namoyish etgan yoshlar turli nominatsiyalar bo'yicha ham taqdirlandi.

**Shohruh IBODULLAYEV,
Xorazm viloyati, Bog'ot tumanidagi
2-ayrim fanlar chuqur o'rgatiladigan
ixtisoslashtirilgan umumta'lim
maktabining ona tili va adabiyot fani
o'qituvchisi**

FIRST DAY AT SCHOOL

(Continue.
Started in the lesson 37)

It was the time to go to the library. All the students went there and picked up the picture story books. They tried to understand the story by watching the pictures. Asila also took a nice story book. First day of the school was going to over now. The school bell rang. Asila badge goodbye to her teacher. It was such a nice and wonderful day. She learnt many new things.

All the students came out the school gate and said good bye to each other. Students boarded on the school bus. It was time to go to home. Asila said bye to her friends before she climbed on the bus. Asila was very excited to share the wonderful experience of her first day at school with her mother and father. They also wanted to hug her little girl (The End).



AT THE BOOKSTORE

Read and match the correct version of answer.

Where is a bookstore?
Do you sell books on history?

I like detective books.

There is a good library near our house.
Show me some plays by Shakespeare.
The book is not available.

I recommend you this one.

Menga detektiv asarlar yoqadi.
Shekspir asarlaridan ko'rsating.
Men sizga mana buni tavsiya etaman.
Bu kitobdan yo'q.

Tarixga oid kitoblar sotasizlarmi?
Uyimiz yaqinida yaxshi kutubxona bor.
Kitob do'koni qayerda joylashgan?

Dinora ABDULLAJONOVA

GUESS THE ANSWER

Read the article and answer the questions.

Every day he gets up at 6 o'clock and takes a shower, puts on his uniform. Then he has breakfast at 7 o'clock. At quarter past seven, he takes a bus to school. He starts work at 8 o'clock. He prepares the class for the lesson and meets his pupils. He talks with his student's parents. After work he corrects student's homework. He prepares his new theme for his pupils.

ANSWER THE QUESTIONS

1. Does he walk to work?
2. Does he get up at 5 o'clock?
3. Does he check his pupil's homework?
4. What is his profession?



Painter: Yoqubbek HALIMBEKOV

IMPROVE YOUR ENGLISH

This task is very useful for your speaking skill. Let's talk about you.

What is your name?
What do you do?
What's your favourite day of the week?
What do you do in your free time?
Have you got any brother or sister?
Do you have a pet?
What do you usually do on Sunday?
When is your birthday?
What's your favourite sport?

Answer to those questions orally and it helps your speech. Interview another friend.


AVOID OF THE SAME

This is a useful task for your English. Instead of «How are you?» you may use those words.

How have you been?
How it is going?
Have you any news?
How is going?
How is life?
How do you do?
What's up?
What's happening?

BRAIN GAME

Write down at least one animal and furniture.



Painter: Sumbula MELIMURODOVA

Beginning with the letter «d»	dog	dining room chair
Beginning with the letter «w»	wolf	wardrobe
Beginning with letter «c»		
Beginning with the letter «s»		
Beginning with letter «a»		

Ma'mura G'ULOMOVA

RIDDLES FOR KIDS

What can speak without a tongue and listen without ears.



If you need to see in the darkness of the night. Give me a nudge and I'll give you light.

Muhammadsharif FAYZULLAYEV

USTOZLAR

Siz tutqazib qo'lga qalam,
Alifbeni o'qishni ham,
Husnixatli yozishni ham,
O'rgatdingiz, ustozlar.

Odob bilan o'tirishni,
Intizomli ham yurishni.
Mehnat darsi har bir ishni,
O'rgatdingiz, ustozlar.

Sizda ko'pdir sabr-bardosh,
Mehridaryo, qalbi quyosh,
Oldingizda egamiz bosh,
Ey, murabbiy, ustozlar.

Ilm oldik, jo'shar g'ayrat,
El-yurt uchun bor muhabbat,
Doim bo'ling sog'-salomat,
Qalbi daryo, ustozlar.

Shone'matxoji SHOMAHMUDOV,
Toshkent shahri, faxriy jurnalist

VATANIMNING GULTOJI



Moviy, yashil, oq,
Qo'limda bayroq.
Yuraman shod,
Vatanda ozod!

Shamolda g'ir-g'ir,
Hilpiraydi hur.
O'zbekimning bayrog'i,
Vatanimning gultoji.

TILAK

Tilagim – a'lo o'qish,
Sinfda yetakchiman.
Maktabimiz chiroyli,
O'zim ham a'lochiman.

Zulfizar BOTIROVA,
Qashqadaryo viloyati, Qarshi tuma-
nidagi 17-umumta'lim maktabining
5-«B» sinf o'quvchisi

MAKTAB – MUQADDAS MASKAN

Biz o'qiyimiz maktabda,
Bilim olib har damda.
O'qiyimiz doim kitob,
She'rlar qilamiz xitob.

Baxtli yashash orzumiz,
Bilim olish baxtimiz.
Bizlar uchun bu imkon,
Maktab – muqaddas maskan.

Topolmaysiz hech qachon,
Bizdayin baxtli inson.

Rayhona RO'ZIBOYEVA,
Xorazm viloyati, Hazorasp
tumanidagi 18-umumta'lim
maktabining 7-«B» sinf
o'quvchisi



YURT MADHI



Vatanimning ta'rifi,
So'zlab beray sizlarga.
Yurtimizning ertasi,
Quvnoq o'gil-qizlarga.

O'lkam ajib chamanzor,
Go'zal maskanlari bor.
Xizr nazar solgan yurt,
Insonlari beg'ubor.

Qishloqlari xo'p obod,
Shaharlari betimsol.
Suvi shirin, shifobaxsh,
Mevalari misli bol.

Ona yurtim bag'rida,
Kamol topib, quvnaman.
Ta'rifi she'r bitib,
Kuyga solib kuylayman.

Shohruh QODIROV,
Surxondaryo viloyati, Oltinsoy tumanidagi
22-umumta'lim maktabining 5-sinf o'quvchisi

QUYOSH

Tog'lar ortidan ko'taradi bosh,
Zarrin nurlarini sochadi quyosh.
Vaqt o'tib qorayganda qosh,
Bilmam qayga ketadi quyosh?!



CHINOR

Biram baland, biram ko'rkam,
Hovlimizda purviqor,
Buvimdan so'rab bilsam,
Ismin aytdilar – chinor.

Ruxshona SODIQOVA,
Qashqadaryo viloyati,
Qamashi tumanidagi
80-umumta'lim maktabining
6-«B» sinf o'quvchisi



KITOBJONIM

Kitobjonim – oftobim,
Sen yonimda bo'l doim.
Tushmaysan hech qo'limdan,
Sensan jajji o'rtog'im.

Yo'llaringa nur sochgan,
Dilimga g'urur solgan.
Baxt sari yetaklagan,
Kitobjonim – oftobim.

Durdona TURDIMURODOVA,
Navoiy viloyati, Uchquduq
tumanidagi 20-umumta'lim
maktabining 3-sinf o'quvchisi

«TEMURBEKLAR MAKTABI»

(Davomi.
Boshi o'tgan sonlarda)

TURKUMIDAN

Murod TILLAYEV

KUTILMAGAN O'ZGARISHLAR

Ertasi kuni Erkin ertalab soat oltida akasi bilan birga turdi. O'zi o'rin-ko'rpalarini yig'ishtirdi. Hovliga chiqib badantarbiya mashqlari bilan mashg'ul bo'ldi. Avval hovlini gir aylanib bir necha marta yugurishdi. Keyin akasi supa o'rtasida turvolib turli mashqlarni bajardi. Erkin unga taqlid qilib turdi. Oshxonada nonushta tayyorlayotgan onasi avvaliga birpas hayron bo'lib qarab turdi. Keyin derazadan boshini chiqarib baqira ketdi:

– Hoy Erkin! Shamollaysan! Kir ichkariga! Akang chiniqqan. Unga hech narsa qilmaydi. Sen hali o'rganmaganсан.

– Ona, isib ketdim. Sovuq hech ham sezilayotgani yo'q, – e'tiroz bildirdi Erkin.

– Uyga kir, dedim senga! Bo'lmasa hozir otangga aytdim!



– Ha, nima gap? Tinchlikmi? – sport kiyimida hovliga chiqib kelgan otasi so'radi.

– Kichkinangizni qarang, kattangizga taqlid qilayapti. Sen sovuqqa chiniqqanсан, desam ham gapimga unamayapti, – shikoyat qildi onasi.

Otasi Erkinga qarab piching qildi:

– Maqtanma g'oz, hunaring oz. Ko'ramiz, qani bu harakating necha kun davom etar ekan. Onasi otasiga dashnom berdi:

– O'zingiz nega sportchilarga o'xshab kiyinib oldingiz?

– Mashq qilmoqchiman.

– Do'xtir mumkin emas degan-ku!

– Xavotir olma, yengil mashqlarni bajaraman. Bo'lmasa a'zoyi badanim zanglab qoladi-ku. Shundog'am olti oydan beri umuman mashq qilmayapman.

Onasi «E-e-e, sizlarga gapirgan men ahmoq», deb kapgiri silkiib, derazani yopdi. Otasi bo'lsa, ikki o'g'lining oldida turvolib, yengil badantarbiya mashqlarini bajarishga kirishdi...

(Davomi bor)

Shomda qushlar jam bo'lib, o'zaro maslahatlashishdi. So'ng, o'zlari-ga boshliq saylashdi. Qushlarning shohi ularga topshiriq berdi:

– Menga dunyodagi eng chiroyli, xushbo'y, kamchiligi yo'q gulni topib kelasizlar. Uning evaziga men sizlarga bir umrga tatiydigan baraka urug'ini beraman.

Shunda qushlar uch kun davomida o'ziga ma'qul bo'lgan gulni topib, shohga taqdim etishibdi. Kabutar lolani, laylak boychechakni, bulbul esa atirgulni keltiribdi. Ishimiz qushlar shohiga xush yoqarmikan, deya chetdan kuzatib o'tirishibdi. Faqat birgina qaldirg'och hech qanday gul olib kelmabdi. Shunda qushboshi undan «Sen nega gul keltirmading?» deya so'rabdi. «To'g'risi, men siz aytgandek gulni topolmadim», debdi qaldirg'och. Uning so'zidan g'azablangan shoh:

«Nahotki bitta gulni topolmading?» debdi. «Gul ko'p ekan, ammo siz aytgandek, nuqsonsizi topilmadi.

QUSHLAR SABOG'I

Lolaning qalbi to'la dog', boychechak uzgandan so'lib qoladi. Atirgulning esa tikonlari bor... nima bo'lgan-da ham nuqsonsiz gulning o'zi yo'q ekan. Bir kam dunyo deganlaridek, kamchilik bor. Siz kamchiligi yo'q narsa so'radigiz, unaqasini topolmadim»...



Qaldirg'ochning so'zidan barcha qushlar mulzam bo'libdi.

Qushboshi uning zukkoli-giga qoyil qolib, baraka urug'ini unga in'om etishga qaror qilibdi.

Qaldirg'och esa birgina aytgan to'g'ri so'zi evaziga mukofot olishni istamay, ikkinchi bor qushlarni hayratlantiribdi.

Qissadan hissa shuki, har birimiz yoshlikdan halol va to'g'ri-so'z bo'lishga intilaylik! Qushlarning anjumani bizga sabog' bo'lsin.

Baxtiniso G'AFFOROVA,
Surxondaryo viloyati, Sariosiyo
tumanidagi 19-umumta'lim maktabi
o'quvchisi



XURSANOV ARGENTINAGA BORADI

Xabaringiz bo'lsa, shu yilning 6-18-oktabr kunlari olis Argentina poytaxti Buenos-Ayresda III yozgi o'smirlar Olimpiya o'yinlari bo'lib o'tadi. Quvonarlisi, ushbu nufuzli musobaqada yosh sportchilarimiz ham g'oliblik uchun bahs olib boradi.



Bundan avvalroq O'zbekiston Milliy olimpiya qo'mitasi vakillari Argentina 36 nafar yosh sportchimiz yo'l olishi haqida ma'lumot bergandi. Kuni kecha boks bo'yicha qizlar o'rtasida 51 kg vazn toifasida hamyurtimiz Xursanoy Xolmatova ham Buenos-Ayresdagi Olimpiya o'yinlarida ishtirok etadigan bo'ldi.

Ushbu yosh va umidli bokschimiz bugunga qadar ko'plab respublika va xalqaro musobaqalarda munosib ishtirok etib, sovrindorlar safidan joy egallagan.

E'tiborlisi, O'zbekiston delegatsiyasi ishtirokchilar soni bo'yicha avvalgi barcha rekordlarini yangiladi. 2010-yili Singapur mezbonlik qilgan ilk o'smirlar Olimpiya o'yinlarida mamlakatimiz 21 nafar sportchi bilan ishtirok etgan bo'lsa, 2014-yilda Xitoyning Nankin shahrida tashkil etilgan to'rt yillikning nufuzli musobaqasida mamlakatimiz delegatsiyasi 28 nafar sportchidan tashkil topgandi. Bu gal esa Olimpiya o'yinlariga 37 nafar sportchi bilan yo'l olmoqdamiz. Ishonamizki, atletlarimiz Argentinada medallar soni va sifati bo'yicha ham natijalarni yangilashadi, albatta.

Sa'dullo TURSUNOV

HARBIY-SPORT FESTIVALI

Poytaxtimizning Chilonzor tumanida ilk bor harbiy-sport festivali o'tkazildi. Tuman bolalar va o'smirlar sport maktabida tashkillashtirilgan mazkur tadbir shahrimizdagi har bir tumandan 1 ta maktab jamoasi ishtirok etdi.



Toshkent shahar Mudofaa ishlari boshqarmasi boshlig'i Bahrom Qosimov tantanali saflangan vatanparvar o'g'il-qizlarni qutlab, festivalni ochib berdi. Jamoalarning shaxdam qadamlari bilan safda qo'shiq kuylashlari maydonni larzaga keltirdi. Milliy gvardiyachilarning qo'l jangi, o'zbek jang san'ati bo'yicha ko'rgazmali chiqishlari tadbirga o'zgacha fayz kiritdi.

Yosh harbiylar turnikka tortinish, estafeta, jabrlanuvchiga birinchi yordam ko'rsatish, TIR, basketbol to'pini to'rga tushirish, arqon tortish, safda shaxdam qadam bilan yurish kabi shartlar bo'yicha bellashdi. Shu bilan birga, «Harbiy unvonlar va maxfiy parollarni topish» testlari bo'yicha o'z zukkoliklarini namoyish etishdi.

Tadbir yakunida Chilonzor tumanidagi 181-umumta'lim maktabi jamoasi 1-o'rinni egalladi. Yunusobod tumanidagi 5-umumta'lim maktabi vakillari 2-, Mirobod tumanidagi 125-umumta'lim maktabi jamoasi 3-o'rinni qo'lga kiritdi.

Nurbek QIDIRALIYEV

YOSHLAR HAFTALIGI SPORT HAFTALIGIGA ULANIB KETDI

Jizzax viloyatida «Yoshlar haftaligi» doirasida sport musobaqalariga start berildi.

Erta tongdan Zomin tumanidagi 36 ta mahalladan 400 nafar yoshlar badantariya mashg'ulotlarida ishtirok etdi. Yugurish marafoniga 500 nafarga yaqin yoshlar jalb qilindi.

75 nafar ishtirokchi suzish bo'yicha o'zaro bellashgan bo'lsa, 150 nafar yoshlar kurash musobaqasida kuch sinashdi. Shuningdek, 120 nafar voleybolchi qizlar, 300 nafar basketbolchilar hamda 150 nafar futbolchilar o'z mahoratlarini namoyish etishdi.



Respublikamizning barcha hududlarida «Sport haftaligi» o'tkazildi.



Jumladan, Buxoro viloyati, Buxoro tumanida 36 ta mahalladan 721 nafar yoshlar ishtirokida badantariya o'tkazildi, shuningdek, tumanning 500 nafar yoshlari ishtirokida 5 km masofaga yugurish marafoni bo'lib o'tdi. Marafon g'oliblari esdalik sovg'alari bilan taqdirlandi.

Tumandagi bolalar va o'smirlar sport maktabida arqon tortish, tosh ko'tarish va kurash sport turlari bo'yicha musobaqa tashkil etilib, unda 350 nafar yoshlar o'z kuchini sinovdan o'tkazdi.

Buxoro sanoat kasb-hunar kollejida voleybol sport turi bo'yicha musobaqa o'tkazilib, 150 nafarga yaqin yoshlar qamrab olindi. Tumandagi 18- va 21-umumta'lim maktablarida shashka-shaxmat va stol tennisi bo'yicha bellashuvlar tashkil etilib, unda 223 nafar yoshlar ishtirok etdi.

Tuman markaziy o'yingohida 18-21 yoshlilar o'rtasida futbol bo'yicha musobaqa tashkil etilib, bahslarda 15 ta mahalladan jamoalar ishtirok etdi.

O'zbekiston yoshlar ittifoqi Markaziy Kengashi, O'zbekiston Respublikasi Jismoniy tarbiya va sport vazirligi hamda Respublika yoshlar markazi hamkorligida tashkil etilgan mazkur haftalik yurtimiz yoshlarining sportga bo'lgan qiziqishlarini orttirishda muhim omil bo'lishi, shubhasiz.

Muhammadsodiq ALIMOV



Xalq og'zaki ijodining to'qima sehrli sarguzashtlarga boy epik badiiy asar turi hisoblangan ertaklar - xalq hayoti, dunyoqarashi, urf-odatlar bilan chambarchas bog'lanib, insonlarga axloqiy va ma'naviy ozuqa beradi. Ular bolalarning dunyoqarashini kengaytiradi, yaxshilik va yomonlik, ezgulig-u yovuzlikni bir-biridan farqlashni o'rgatadi. Ertak bolaning aqliy salohiyatini topqirligini oshiradi, sog'lom va barkamol voyaga yetishlarida muhim ahamiyat kasb etadi.

SEHRLI SARGUZASHTLAR OLAMI

Aziz o'quvchilar! Sizlarning kitob javoningiz yana bir ertak kitob bilan boyidigan bo'ldi. Yaqinda Abdujabbor Obidovning «Nozikoy va Maymoq» ertagi o'zbek va rus tillarida bir kitobda jam bo'lib, bosmadan chiqdi.

Asli kasbi informatika fani bo'yicha mutaxassis bo'lgan ijodkorning bir necha o'quv-uslubiy qo'llanmalari, she'riy kitoblari, nasriy asarlari chop etilgan.

«Nozikoy va Maymoq»



ertagida ezgulik va yaxshilik hamisha inson ko'nglini nurlantirishi ta'kidlanadi. Ertak qahramoni Nozikoy irodali qiz. U tabiat va qushlarni sevadi. Otasi Roziq cho'pon bilan qo'y boqadi. Butun tabiat unga sirli tuyuladi. Do'stlari bilan birga yovuz kuchlarga qarshi kurashadi. Ertakdagi mardlik, epchillik, halollik, mehnatsevarlik, burchga sadoqat, do'stni og'ir ahvolda qoldirmaslik kabi fazilatlar ulug'lanadi.

Ertak nihoyasida yaxshi niyatli odamlar o'z murod-maqсадlariga erishgan bo'lsa, yomon niyatlilarning qilmishlari fosh etiladi.

Nodira NAZAROVA

Pazanda qizga! BAQLAJONLI TEZPISHAR SALAT



Aziz kichik bekalar! Kuz mavsumida turli salatlar, ayniqsa, baqlajondan tayyorlangan ikralar juda xushxo'r hisoblana-di. Ularning turi xilma xil.

Bugun taomnomangizga baqlajondan tayyorlanadigan yana bir salatni qo'shib qo'yishingiz mumkin. U tez va oson tayyorlanadi.

Buning uchun bizga:

2-3 dona o'rta-cha baqlajon, 3 dona pomidor, 2 dona o'rta-cha kattalikdagi qizil bulg'ori qalam-piri, yarim bog' shivit, ikki dona tuxum, to'rt dona-cha sarimsoqpiyoz, tuz, yarim cho'mich pista yog'i kerak bo'ladi.

Tayyorlanishi: ishini, avvalo, barcha mahsulotlarni somoncha shaklida to'g'rashdan boshlaymiz. Keyin pista yog'ini qizdirib, baqlajonni biroz qovuramiz. Pishgach, ustiga tuxum chaqib, ikki-uch daqiqa qovuriladi. So'ngra, chuqurroq idishga ag'darib, ustidan to'g'ralgan boshqa masalliqalar bilan tuz qo'shib aralashiriladi. Tayyor bo'lgan salat likopchalarga suzilib, shivit bilan bezatiladi.


Yog'imli ishtaha!



BO'SH O'TIRMAI, BOSH QOTIR!

Ushbu jadvaldagi 36 ta doirachaning ichida sonlar berilgan. Doirachalar raqamlar bilan belgilangan. Jadvaldan eng ko'p sonlar yig'indisi chiqadigan doirachalarni topishga harakat qiling. Unda har bir to'g'ri chiziq ustida turgan doirachalardan bittadan tanlashingiz lozim.

Siz tanlagan doirachalardagi sonlar yig'indisi nechaga teng bo'ladi?



Tuzuvchi: Fayzulla ABDULLAYEV

FOYDALI MASLAHATLAR

Oshxonada, albatta, onalarimizga teng keladigani yo'q. Mazasi bir umrga tatiydigan taomlar tayyorlash va oshxonani saranjom-sarishta saqlashni ularga chiqarishgan. Biroq onalarimiz ham bilmasligi mumkin bo'lgan oshxona bilan bog'liq ba'zi sirlar borki, ulardan sizlarni quyida voqif etamiz.



Piyoz va sarimsoqpiyozni saqlash uchun eng yaxshi joy havo o'tadigan qog'oz xalta. Bunday idishda ular ikki oygacha yaxshi saqlanadi.

Kartoshka nish otib ketmasin, desangiz, uni olma bilan saqlang. Olmadagi etilen moddasi nishlar

paydo bo'lishiga yo'l qo'ymaydi. **Mango, kivi va avokadoni** stakan yordamida tozalash qulay bo'ladi.

Banan shodasining birlashgan qismini skotch bilan o'rab qo'ysangiz, u uzoq vaqt buzilmay saqlanadi.

Sarg'ayib qolgan **ko'kat**larni tashlab yuborishga shoshilmang. Ularni to'g'rab, muzlatgichning muz idishiga solib chiqing, ustidan zaytun yog'idan quying. Uni muzxonada saqlab, zarur vaqtda salat, qayla va sho'rvalar uchun ishlatishingiz mumkin.

Sotib olgan **banan**ingiz hali xomroq bo'lsa, ularni gaz patnisiga qo'yib, qizdirib o'chirilgan gaz pechida 1-2 daqiqa ushlangiz, kifoya.



NARGIZA tayyorladi